



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 04-11-3-296-5-15/25

Datum: 24.12.2025. godine.

PREDMET: IZVJEŠTAJ O PROVEDENOJ JAVNOJ RASPRAVI

Općinsko vijeće Tešanj je na 12. sjednici održanoj 31. oktobra 2025. godine usvojilo Nacrt budžeta za 2026. godinu i isti uputilo u javnu raspravu.

Javna rasprava je bila otvorena 30 dana, zaključno sa 06.12.2025. godine. Poziv na javnu raspravu upućen je građanima i korisnicima budžetskih sredstava putem radio i tv medija općine Tešanj, objavom na web stranici, na platformi eCitizen i kontaktima putem resornih službi.

U periodu provođenja javne rasprave organizovana su **4 termina** za usmeni dio rasprave na kojima je prisustvovalo **33 lica**. Pored toga dostavljeno je **17 pisanih prijedloga/zahtjeva** od strane učesnika rasprave ili putem e-maila. Evidentirana su ukupno **54 prijedloga/primjedbi**.

Izneseni su zahtjevi za čiju realizaciju bi bilo neophodno obezbijediti **2,9 miliona KM**, a s druge strane nije upućen ni jedan prijedlog za uvećanje općinskih prihoda.

Uz sažetak iznesenih prijedloga učesnika u javnoj raspravi, date su informacije o stavovima Predlagača i posljedicama iznesenih prijedloga na konačni tekst Prijedloga Budžeta općine Tešanj za 2025. godinu. Ukupne načinjene izmjene dokumenta budžeta u odnosu na Nacrt iznose 4.800.000,00 KM.

PREGLED PRIJEDLOGA I PRIMJEDBI SA IZJAŠNJAVANJEM PREDLAGAČA:

- **JP Rad d.d. Tešanj** je uputio plan aktivnosti na zamjeni azbestnog cjevovoda od rezervoara Jevadžije do rezervoara Krndija cca 2500 m, Zamjena azbestnocementnog cjevovoda od rezervoara Krndija do rasteretne komore Bukva cca 900m (uz proširenje promjera oba cjevovoda) i izgradnju novog rezervoara Krndija.

Predlagač:

Prijedlog je prihvaćen, te je u Budžetu formirana nova stavka sufinansiranja u visini od 900.000 KM za sufinansiranje projekta, uz obavezu Preduzeća da kroz kreditno zaduženje obezbijedi preostala sredstva od 1.2 miliona KM.

- **Toplana d.d. Tešanj** (direktor Nurdin Sadiković) je istakao problem stalnih intervencija i raskopavanja javnih površina zbog sanacija na dotrajalom i amortizovanom vrelovodu od Šarenog mekteba do Simetrala. Naglasio je da je Preduzeće pripremilo projekat zamjene cijevi koji bi se mogao realizovati paralelno sa uređenjem trotoara iznad mreže koji finansira ZE-DO Kanton. Zamjena vrelovoda bi uključivala dva dijela ukupne vrijednosti cca 600.000,00 KM od čega mašinski dio 480.000,00 KM. Zatražio je uključenje ovog projekta u Budžet za 2026. godinu, da bi se blagovremeno moglo pristupiti realizaciji istog, te tako iskoristila pogodnost radova od strane Kantona. Toplana bi vršila mašinski dio radova sa svojim zaposlenicima.

Predlagač:

1. **Prijedlog je prihvaćen**, te je u Budžetu formirana nova stavka sufinansiranja u visini od oko 50% potrebnih sredstava (320.000,00 KM), dok se za preostali dio planira zaduženje od strane Preduzeća. Iz rekonstrukciju ulice Braće Pabrić/R474 (koju finansira Ministarstvo za prostorno uređenje ZDK) i uređenje trotoara na jednoj strani, smisljeno je da se u 2026. godini izvrši i rekonstrukcija Toplovoda.

- **Crveni križ općine Tešanj** (sekretar Fežić Mujo) je istakao i uputio zahtjev za:
 - Zatražen je nastavak sufinansiranja projekta „Njega i pomoć u kući i starenje i zdravlje“ sa uvećanjem sredstava za dodatnih 17.000,00 KM (za drugu godinu rada projekt se finansira sa 57.000,00 KM od strane donatora). Projekt predviđa zapošljavanje 3 medicinska radnika na višegodišnji period, dok je sa dva radnika ugovor raskinut zbog smanjenja sredstava.

Predlagač:

Prijedlog je prihvaćen, te su planirana dodatna sredstva za nastavak podrške projektu „Njega i pomoć u kući i starenje i zdravlje“ te su izdvojena dodatna sredstva od 12.000 KM za 2026. godinu. Ukupna sredstva na odgovarajućoj budžetskoj poziciji sada iznose 30.000,00 KM. Općinski načelnik nije u mogućnosti potpisivati Ugovore za narednu budžetsku godinu bez Odluke Vijeća, tako da obaveze za 2026. godinu moraju biti potvrđene usvajanjem Budžeta Općine. Osim toga, Općina će tražiti nadzor nad provođenjem projekta, učešće u odabiru korisnika koji je usuglašen sa Centrom za socijalni rad kao i stepen sufinansiranja od korisnika shodno materijalnim prilikama korisnika ili njihovih nasljednika koji su u obavezi brige o roditeljima.

- **Hasan Handžić, općinski vijećnik**, je kroz širu diskusiju o drugim pitanjima budžeta i funkcionisanja Općine izdvojio i slijedeće prijedloge koji iziskuju finansijska sredstva:

1. Planiranje veća sredstva za održavanje putne infrastrukture na uštrb investicija u nove asfaltne površine.
2. Uvećanje izdvajanja za pomoći boračkoj populaciji zbog starenja populacije i sve većih zdravstvenih potreba samih boraca i porodica istih, kao i za funkcionisanje udruženja.
3. Obezbjedenje sredstava za saobraćajnu signalizaciju, postavljanje znakova divljač na putu radi učestalog kretanja iste na putevima od kako se izvode radovi na izgradnji autoputa.

Predlagač:

1. **Prihvaćeni su prijedlozi 2. i 3.** i izvršeno je uvećanje odgovarajućih budžetskih stavki (pomoći boračkim populacijama putem udruženja, podrška radu udruženjima i stavka horizontalne i vertikalne signalizacije).
2. Za prvi zahtjev se može reći da je **u velikoj mjeri već uobziren** budući da je u samom Nacrtu budžeta izvršeno značajno uvećanje sredstava za održavanje infrastrukture, a nadležna općinska Služba razmatra mogućnosti drugačijeg pristupa održavanju, sa obezbjeđenjem sanacija velikih oštećenja kroz posebne tendre.

- **Predstavnici mjesnih zajednica Šije** (Bajrić Osman), **Medakovo** (Elfid Muminović) i **Tešanjka** (Ćehajić Jasmina), a potom i predstavnik **MZ Jelah** (Unkić Armin) su istakli zajednički zahtjev:

1. Da se u značajnijoj mjeri uvećaju sredstava za redovnu djelatnost. Ističu da je samo činjenica da je minimalna plata podignuta na 1.000 KM (bruto preko 1.500 KM), u odnosu na 935 KM mjesečne dotacije (Tešanjka, Medakovo) dovoljan razlog za preispitivanje načina finansiranja, zbog nedostataka sredstava.
2. Zatraženo je i uvećanje sredstava za zimsko održavanje, te održavanje javne rasvjete od strane mjesnih zajednica.

Predlagač:

1. **Prijedlozi su dijelom prihvaćeni**, te je izvršeno uvećanje na sve tri budžetske pozicije vezane za grupu rashoda namijenjenih za funkcionisanje mjesnih zajednica, na nekima više na nekim manje sredstava. Dodajemo i to da nemaju sve mjesne zajednice profesionalno zaposlena lica, a da u mjesnim zajednicama u kojima je to slučaj uobičajeno imaju i druge proširene aktivnosti i prihodi istih. U 2025. godini Općina je izdvojila dodatnu finansijsku podršku za mjesne zajednice u kojima je rast minimalne plate povećao troškove.

- **Mujo Pobrić**, sa još dva člana Odreda izviđača „Crni vrh“ Tešanj je predstavio projekt „Rekonstrukcija doma izviđača Kiseljaka-Tešanj“ kojim bi se obezbijedio adekvatan prostor za funkcionisanje Odreda izviđača Crni vrh Tešanj uz mogućnost korištenja istog od strane drugih udruženja i ustanova. Ukupna vrijednost projekta iznosi do 120.000,00 KM, te je zatraženo uključenje istog u općinski budžet za 2026. godinu. Naglašeno je da se projekt može odvijati i fazno.

Predlagač:

1. Općina niz godina ulaže u razvoj potencijala turističko-baleološke zone Kiseljak. Općina u ovom momentu ne može samostalno izdvojiti cjelokupan iznos sredstava, ali će podržati kandidaturu projekta za realizaciju od strane viših nivoa vlasti, uz sufinansiranje. Ukoliko projekat bude prihvaćen na višim nivoima, postoje sredstva za sufinansiranje na budžetskim stavkama za sve projekte (ne izdvajaju se pojedinačno).

- **Nasira Galijašević, ispred JU Centar za kulturu i obrazovanje Tešanj** se zahvalila na uvećanju sredstava u izradi rebalansa Budžeta, ali da u ovom Nacrtu nema povećanja sredstava koje je evidentno na ustanovama Muzeja Tešanj i Opća biblioteka Tešanj. Istakla je zahtjev za uvećanje dotacije zbog rasta minimalnih plata (veći dio radnika prima istu), te zbog rasta cijene grijanja od 20% (veličina prostora Doma kulture Tešanj čini ovaj rashod značajnim izdatkom).

Predlagač:

1. U ovom momentu nije izvršeno dalje povećanje stavke. Ističemo da je Općina u proteklom periodu obezbijedila značajna ulaganja u objekat cca 890.000 KM, (uređenje kino sale i dr.) te da je za narednu godinu planirano i dodatno ulaganje za konačno rješavanje i klimatizacije kino sale (od cca 300.000 KM) kojom će ovaj dio djelatnosti CKO biti dodatno osnažen cjelovitom sanacijom (stolice, podloge, bina, garderoba, projektor i klima). Za slijedeću godinu su predviđena i posebna sredstva podrške niza aktivnosti CKO u sklopu općinskih manifestacija Općine.

- **Nura Mehić, ispred Organizacije porodica šehida i poginulih boraca općine Tešanj** je istakla:

1. Zahtjev za uključenje programa koji priprema Organizacija PŠiPB za Dan šehida u kalendar značajnih datuma Općine.
2. Zahvalila se za uključenje u budžet sredstava za sanaciju šehidskih nišana, ali je naglasila da su sredstva nedovoljna, te je tražila uvećanje stavke i ubrzanje procesa.
3. Istakla je i potrebu za uvećanje sredstava za liječenje za sve boračke kategorije, zbog rasta cijene lijekova.
4. Takođe je istakla potrebu uvećanja sredstava za udruženja od posebnog značaja za Općinu.

Predlagač:

1. **Prihvaćeni su zahtjevi pod 2., 3. i 4.,** te je uvećala sredstva na novoformiranoj budžetskoj poziciji za sanaciju šehidskih obilježja sa 10.000 na 30.000 KM, te je takođe izvršila uvećanja sredstava na stavkama predviđenim za jednokratne pomoći redovnu djelatnost boračkih udruženja.
2. Uključenje aktivnosti Udruženja u program obilježavanja značajnih datuma je stalna aktivnost, koja se provodi kroz već postojeću budžetsku stavku koja je uvećana za 2026. godinu.

- **Nihad Mujaković ispred Općinske sindikalne organizacije** istakao da u Općini trenutno radi mali broj izvršilaca (90), da trenutno imamo 2 uposlena na 1.000 stanovnika, te da ima poteškoća u procesu popune upražnjenih radnih mjesta (objava konkursa bez ijedne prijave na iste), tako da Općina više nije atraktivan poslodavac.

U Općinskoj upravi u proteklom periodu smo imali odlazak mladih uposlenika, kao i dalje aktivno traženje drugih zaposlenja i dalje napuštanje Općine od strane više lica. Rastom minimalnih plata, a potom i prosječnih plata, došlo je do velike disproporcije u platama NK i srednje stručne spreme, a potom i u odnosu na sve druge. Takođe je došlo do pogoršanja položaja uposlenih po pitanju penzione osnovice (odnos plate sa prosječnom platom je jako pao).

Zatražio je da se sredstva za plate i naknade uvećaju za potrebe obezbjeđenja popune upražnjenih radnih mjesta i za uvećanje primanja uposlenih praćenjem rasta koji se ostvaruje u svim drugim oblastima od privrede do segmenta obrazovanja u kojem je ostvareno uvećanje primanja uposlenih uključujući i dodatke na plaću) za više od 50% u samo godinu i po dana.

Predlagač:

1. Općina je blagovremeno započela zakonom previđeno pregovaranje (prije izrade konačnog prijedloga Budžeta) kojom se definišu primanja uposlenih u narednoj budžetskoj godini. Usklađivanje plata je tokom 2025. godine pratilo ukupan rast plata, definisanu osnovicu, ali su poduzimane i stimulativne mjere.

Ističemo da Vlada Federacije BiH još uvijek nije definisala izmjene regulative (osnovica definisana na nivou FBiH, iznos minimalne plate, propisi u oblasti doprinosa i drugo). Općinski načelnik je obavio razgovore sa Sindikatom i uzeo u obzir zahtjeve koje je moguće provesti kroz Budžet.

- **Nihad Mujaković** je zatražio da se izvrši uvećanje sredstava za udruženja od posebnog značaja.

Predlagač:

1. Općina je u samom Nacrtu budžeta izvršila uvećanje navedene stavke, a potom i u okviru Prijedloga.

- **Haris Jašić, općinski vijećnik** je istakao da treba obratiti pažnju na udruženja koja su aktivna i koja učestvuju u raspravama i procesima, te na neki način dati i veću podršku istim.

1. Istakao je zahtjev za uvećanje sredstava za rad mjesnih zajednica (ističući potrebe MZ Raduša kao prostorno najveće), budući da su one produžena ruka Općine i da učestvuju u realizaciji tekućih održavanja infrastrukture, kao i realizaciji kapitalnih ulaganja.

2. Zatražio je veća sredstva za održavanje putne infrastrukture.

3. Zatražio je i zadržavanje nivoa ulaganja u sportsku infrastrukturu, bez njegovog umanjenja koje je predviđeno u Nacrtu budžeta.

4. Istakao je i rast potreba NK „TOŠK“ Tešanj (razvoj), budući da zbog velikog broja članova u omladinskom programu (280 djece) pripremaju prijavu po dvije ekipe u određenim selekcijama kako bi se omogućilo pružanje šanse za svu djecu.

Predlagač:

1. **Prihvaćeni su zahtjevi** po pitanju prva tri zahtjeva izdvajanjem veća sredstva, prema zahtjevima i drugih učesnika rasprave, kao i zbog prijenosa i obezbjeđenja dodatnih grant sredstava za sportsku infrastrukturu.

2. Po pitanju četvrtog zahtjeva ističemo da su ukupna izdvajanja za sport 2.8 miliona KM (tekući i kapitalni dio) i da su sredstva već u nekoliko navrata značajno uvećana. Tekući grantovi u oblasti sporta iznosi blizu 1 miliona KM.

- **Muharem Sejdić ispred Organizacije RVI Tešanj** je:

1. Istakao ogroman rast cijene lijekova te zatražio uvećanje sredstava za jednokratne pomoći svim boračkim udruženjima.

2. Istakao je i to da rast minimalne plate pogađa i boračka udruženja u kojima su stalno zaposlena lica, tako da je neophodno izvršiti uvećanje i dotacija za udruženja od posebnog značaja, posebno boračkih populacija.

Predlagač:

1. **Prijedlozi su prihvaćeni**, te je izvršeno uvećanje odgovarajućih budžetskih pozicija.

- **Elma Spahić ispred Službe za BiZ i opću upravu** je istakla potrebu uvećanja budžetske stavke „Sredstva podrške za zapošljavanje i samozapošljavanje boračkih populacija iz Budžeta ZE-DO kantona“ zbog obezbjeđenja većeg iznosa sredstava od strane ZE-DO kantona, što omogućava rast stavke za narednu godinu na cca. 200.000,00 KM.

Predlagač:

1. **Prijedlog je prihvaćen**, te je izvršena korekcija odgovarajuće budžetske pozicije.

- **Elvira Imamović ispred Službe za BiZ i opću upravu** potencirala pitanje definisanja visine sredstava za šehidske nišane da se izbjegnu nesporednosti u toku realizacije programa Službe.

Predlagač:

1. **Prijedlog je prihvaćen**, te je izvršeno uvećanje budžetske pozicije sa iskazanim potrebama Organizacije porodica šehida i poginulih boraca Tešanj.

- **Ahmić Senad** je istakao da treba posvetiti više pažnje manifestacijama vezanim za obilježavanje značajnih datuma iz proteklog rata, posebno dio koji se organizuje na lokalnom nivou – formiranje sekcija i slično (popraćeno odgovarajućim sredstvima), te na nivou škola, kao što je slučaj sa ranije predloženim obavezujućim obilaskom Memorijalnog centra Srebrenica (uključenje u program škola).

Predlagač:

1. Sredstva za obilježavanje značajnih datuma Općine i mjesnih zajednica se izdvajaju kako kroz posebnu budžetsku stavku, tako i podrškom aktivnostima mjesnih zajednica, ta da se sve aktivnosti podržavaju u zavisnosti od samih kandidovanih programa.

– **Elma Mahmutefendić**, općinska vijećnica, je zatražila slijedeće:

1. Predložimo je da se „Grantovi za projekte mladih i mlade i podrška projektu Omladinske banke“ povećaju za 20.000,00KM ili više – novčana sredstva bi se koristila za opremanje prostora koji će koristiti mladi Tešnja.
2. Da se poveća stavka „Podrška razvoju start up ideja mladih“ na način da se dodatno budu prijedlozi koji za cilj imaju otvaranje vrtića i da se više novca izdvaja na navedene ideje, jer je i iz Nacrta Prostornog plana Općine Tešanj 2020-2040 vidljivo da potrebno planiranje novih 11 predškolskih ustanova.
3. Povećanje stavke „Podrška poljoprivredi“. Povećanje podrške zdravstvenoj zaštiti.

Predlagač:

1. Prijedlozi se mogu realizovati kroz postojeće stavke kapitalnih ulaganja, a sredstva za start up ideje mladih i za razvoj poljoprivrede su se pokazala dovoljna za programe koje sada održavamo. Preferencije se mogu definisati i kroz dodatne kriterije.

– **Alma Travnjak** je zatražila uvećanje sredstava za stipendije (+15.000 KM), za start up ideje mladih (+20.000 KM) i stambeno zbrinjavanje mladih (+30.000 KM), povećanje sredstava za robne pakete (+15.000 KM) i obezbijediti sredstva za edukacije o mentalnom zdravlju.

Predlagač:

1. Prijedlog za uvećanje stipendija je ranije ostvaren kroz Odluku koju je Općinski načelnik predložio Vijeću. Sredstva za start up ideje mladih su se za postojeći interes i potrebe pokazala dovoljna, program kreditiranja za stambeno zbrinjavanje je definisan općinskom Strategijom, ali se pokazalo da je u postojećim okolnostima utrošak sredstva na samoj granici i da su javni pozivi u više navrata obnavljani. Robni paketi su se pokazali kao neadekvatni, tako da je više sredstava usmjereno na novčane pomoći. Edukacije se mogu provoditi u okviru postojećih budžetskih pozicija uz adekvatnu pripremu programa.

– **J Hasan Plančić ispred Službe za društvene djelatnosti i investicije** je istakao slijedeće:

1. Sredstva za održavanje rasvjete u MZ se umanjuju u odnosu na prošlu godinu (štete od snježnih padavina), a smatra da se sada dostignuti nivo treba bar zadržati na 80.000 KM ili povećati;
2. Za zimsko održavanje putem MZ takođe traži uvećanje zbog novih putnih pravaca koji se svake godine dodaju na održavanje, pored rasta cijene;
3. Za projekte u okviru kapitalnih ulaganja potrebno je obezbijediti veće izdvajanje na stavci „Podrška projektima proizašlim iz realizacije projekta izgradnje autoputa na koridoru Vc“ zbog ulaganja koja se planiraju realizovati u okviru Sporazuma o prijateljskom okruženju (da bi se uvećalo ulaganje investitora potrebno je obezbijediti i veće učešće Općine).

Predlagač:

1. **Prihvaćena su svi prijedlozi**, te je izvršeno uvećanje sredstava.

- **JU Dom zdravlja Tešanj** je zatražio da se za narednu godinu planira:

1. Tražano finansiranje 3 projekta (Rekonstrukcija ambulanti 120.000; Centar za mentalno zdravlje 60.000; Kombi za dijalizne bolesnike 120.000 KM)

Predlagač:

1. Podrška Općine se realizuje kroz kapitalna ulaganja u Ustanovu, za narednu godinu su planirana sredstva od 200.000,00 KM, a namjena istih će biti definisana kroz sporazum sa Ustanovom. Pored toga za narednu godinu je planiran i prijenos projekta izgradnje lifta u zgradi Doma zdravlja od 175.000,00 KM (ponovljeni tenderski postupak). Takođe dio projekata se realizuje i kroz listu kapitalnih ulaganja.

- **Služba za katastar, urbanizam i imovinsko-pravne poslove** je zatražila uključenje sredstava za skeniranje dokumentacije (projekt GIVE), sredstva za izradu i zamjenu pločica i tabli za kućne brojeve i nazive ulica, te za softversko rješenje projekta e-građevinska.

Predlagač:

1. **Prihvaćena su prva dva prijedloga.** Projekt e građevinske će se nastaviti po usaglašavanju aktivnosti sa svim zainteresovanim stranama (ministarstva i općine koje bi sudjelovale u projektu) ili donatorima.

- **JU Centar za djecu i odrasle osobe sa posebnim potrebama** je zatražio:

1. Uvećanje mjesečne dotacije za sufinansiranje rada Centra u Tešnju za 11.000 KM
2. Sufinansiranje nabavke kombi vozila.

Predlagač:

1. **Prijedlog je prihvaćen dijelom**, te je izvršeno uvećanje za dodatnih 6.000 KM.
2. U međuvremenu je izvršena nabavka vozila iz donacije sredstava privrednika Općine.

- **Općina Doboj Jug** je ponovo zatražila da se u budžetu Općine planiraju sredstva za izmirenje obaveze koju vode u svojoj evidenciji po osnovu Diobenog bilansa iz 2009. godine u visini od 100.000 KM.


Predlagač:

1. Od vremena kada je postojao različit pogled na diobeni bilans u podjeli vodovoda i njegove imovine, Općina Tešanj je izgradila novi rezervoar na Lepenici i napustila korištenje polovine starog zajedničkog rezervoara. O tome je bila upoznata i Općina Doboj Jug i već koriste cijeli rezervoar. Smatramo da je time izvršeno poravnanje. Ipak na posebno održanom sastanku dva Načelnika i direktora Komunalnih preduzeća složili smo se da se formira nova komisija koja će predložiti administrativna i finansijska poravnanja.

Druge izmjene u okviru Prijedloga budžeta u odnosu na Nacrt koje nisu navedene kroz gore navedene primjedbe i odgovore načinjene su na bazi dodatnih informacija o grant sredstvima (potpisani ugovori i drugo), prijenosu sredstava, predloženim izmjenama općinskih propisa i drugog.

Dostavljeno:

1. Općinskom vijeću,
2. Služba,
3. Arhiva.


OPĆINSKI NAČELNIK
Mr.sci. Suad Huskić